

重修兩淮鹽法志

兩淮鹽法志卷一百

徵權門

成本下

道光二十四年五月運使李瀚通詳御史劉良駒奏淮南
成本運至泰壩每引四兩有零與淮北票鹽至西壩王
營相等使淮南盡裁浮費通計到岸成本不過七八兩
一節查淮北鹽每引止須銀六錢完納錢糧經費亦祇
二兩二三錢淮南竈鹽每引自二兩五錢至三四兩不
等較北鹽價值數增三四倍完納正雜錢糧綱岸四兩
五錢零食岸二兩七八錢綱食通攤亦較淮北增至一

同治縣志卷一
倍統計票鹽到王營包索水腳每引約成本四兩有零而南鹽運至泰壩每引約須七八兩及五六兩以外此南北鹽價引課之不同難以仿照改票者也

道光三十年二月鹽政陸建瀛奏戊申綱科則以每年請運八十九萬五千餘引合算每引攤銀五兩七錢一分除淮北協貼外每引徵銀四兩九錢五分加以鹽船腳價等項每引合銀十二兩二錢零成本未免過重今擬將帶完辛卯以前及帶完辛丑折運欠課共銀四十一萬五千餘兩仍照前督李星沅原議停緩其外省鹽規匣費運司倉穀月摺各役飯食帶完備公酌存活支提

帶緩徵等款尙可分別刪減銀二十八萬七千餘兩共計減緩銀七十萬七千六百餘兩照八十九萬餘引核算每引可減輕成本銀七錢八分零又擬提復原額二十萬引每綱實行一百九萬五千五百十引比較八十九萬五千五百十引計可每引攤輕銀五錢幾分又查有乙未綱已納錢糧未運之鹽疊奉部文催運有案擬准其每引帶運二百斤停止從前加二五配割章程以淨鹽六百斤出場又可暗輕成本一兩零合之減費復額每引可輕成本二兩四錢零

互見淮南改票

謹按以上淮南改票成本

見行淮南北票鹽成本

同治二年鹽政曾國藩核定淮南楚西皖成本數目

楚岸

每引正雜課暨鹽價局費賞號駁船江船商夥辛工棧租等費共計湖北成本約銀十兩一錢九分正鹽六百斤漢局售價銀二十四兩除由楚局扣存釐稅銀十一兩九錢八分楚局公費銀三錢外餘銀給還商本銀十兩一錢九分給商一分半息銀一兩五錢三分共銀十一兩七錢二分其滷耗包索餘斤均准貼商如提價至四兩以外者所增之銀以三成給商七成解安慶糧臺

互見票
法新章

西岸

每引正雜課暨鹽價局費犒賞駁船江船商夥辛工棧
租等費銀共計成本約銀九兩七錢九分正鹽六百斤
西局售價銀二十一兩除每引由西局扣存各卡釐銀
九兩四錢四分西局公費銀三錢外餘銀給還商本銀
九兩七錢九分給商一分半息銀一兩四錢七分共銀
十一兩二錢六分如每百斤提價至三兩五錢以外者
所增之銀以三成給商三成解安慶糧臺四成解金陵

大營

互見票
法新章

皖岸

每引正雜課暨鹽價報效軍需揚鎮軍營沙漫州糧臺
都營犒賞水腳辛工下四卡釐錢大通局費共計每引
約合成本銀十六兩三錢三分八釐該局售價如遇暢
銷之時聽局員斟酌提價卽滯銷之時至少每百斤不
得跌至三兩以保商本

互見票法新章

楚西皖行銷通泰場鹽成本

同治五年九月修築清水潭隄工飭商籌捐經費一案署
運司程桓生詳據皖商朱同義等稟查皖岸爲利最溥
每百斤售銀三兩每引連餘斤共售銀二十兩六錢四

分內除買鹽成本每引銀七兩二分四釐釐金公費每
引銀八兩一錢三分六釐運腳每引銀一兩七錢二分
八釐共銀十六兩八錢八分八釐每引計僅餘利銀三
兩七錢零西岸每百斤則售三兩五錢每引連餘斤售
銀二十四兩八分內除買鹽成本每引銀七兩二分四
釐運腳每引銀二兩六錢八分八釐釐金公費每引銀
九兩六錢六分八釐共除銀十九兩三錢八分每引計
可餘利四兩七錢較皖爲優鄂岸則牌價稍貴而公費
稍輕每引買鹽成本七兩四錢二分八釐釐金公費每
引銀九兩二錢八釐運腳每引銀二兩六錢八分八釐

共銀十九兩三錢二分四釐岸上售價每百斤定銀三兩五錢計每引尙可餘利四兩七錢零雖輪售較遲涵耗較多而有此長數自較勝於皖岸湘岸成本公費岸售鹽價皆同於鄂惟運路遠水腳重故不能與鄂並論亦足與皖岸相當此次皖岸奉派捐數較輕於西實重於鄂乞於鄂湘之間酌中定數

詳見
助工

光緒八年二月楚岸認引新商開呈辦運票鹽成本數目鄂岸每票五百引應繳錢糧庫平銀四百五十兩關稅庫平銀三兩三錢三分五釐貢捐庫平銀六十一兩五錢梅花等書院經費庫平銀二十四兩保甲經費庫平

銀四十兩儀河經費庫平銀十五兩船價鄂平銀一千一百二十兩扣庫平銀一千七十三兩公費庫平銀十兩引頭曹平銀六十四兩扣庫平銀六十二兩五錢鹽價足制錢四千七百三十八千文六二八五扣庫平銀二千九百八兩八錢三分三釐過浦擡力足制錢八千一百三十五十二文六二八五扣庫平銀五十一兩一錢三分曾公祠育嬰堂揚州粥廠儀徵粥廠等捐足制錢二十八千五百文六二八五扣庫平銀十七兩九錢一分二釐辛工伙食川資匯水約庫平銀二百八十兩倉租錢二百三十千文六二八五扣庫平銀一百四十

四兩五錢五分五釐堆力起坡出倉換包水手賞號等
費錢二百三十千文六二八五扣庫平銀一百四十四
兩五錢五分五釐上共成本庫平銀五千三百五十八
兩三錢二分鄂岸售價真正頂三梁扯算每百斤約售
扣足庫平銀三兩二分每票連貼商餘斤合售庫平銀
一萬一千四百五十九兩零除扣繳釐金庫平銀三千
二百四十兩公捐津貼庫平銀一百五十兩德安津貼
庫平銀一百兩公費庫平銀一百八十四兩九錢五分
雷祖殿捐暨救生積穀寒衣等善舉庫平銀二十四兩
二錢五分再除原辦成本約可餘利二千四百兩之譜

湘岸每票五百引應繳銀款如錢糧關稅貢捐書院保
甲儀河引頭公費均與鄂岸同辛工伙食川資匯水等
銀較鄂多六十兩其籌補經費庫平銀一百二十兩恩
賢書院庫平銀二十兩迺鄂岸所無者錢款如鹽價過
浦擡力曾公祠育嬰堂揚州儀徵粥廠捐亦與鄂岸同
其倉租堆力起坡出倉水手賞號等費比較鄂岸多錢
四十千文湘岸售價真正頂三梁扯算每百斤約售扣
足庫平銀三兩四分每票連貼商餘斤合售庫平銀一
萬一千三百九十八兩零除扣繳釐金連預釐在內計
庫平銀三千一十兩局費一百二十五兩各衙門經費

一百八十兩淮南緝私費六十兩再除原辦成本約可
餘利二千二百兩之譜

光緒八年五月皖岸認引新商開呈辦運票鹽成本數目
皖岸每票一百二十引應繳錢糧庫平銀一百八兩關
稅庫平銀八錢貢捐庫平銀九兩二錢四分出江釐金
庫平銀一百八十二兩四錢梅花等書院經費庫平銀
五兩七錢六分儀河經費庫平銀三兩六錢保甲經費
庫平銀六兩公費曹平銀二兩四錢水腳曹平銀一百
三十兩五錢六分鹽價足制錢一千五千二百四十
文連津貼場商每包一百八十文在內六一五合曹平

銀六百四十五兩八錢九分八釐善堂各捐過河換包
擡力倉租堆力辛工伙食等費共足制錢一百九十七
千六百八十文六一五合曹平銀一百二十一兩五錢
七分三釐上計庫平銀三百十五兩八錢申平銀八兩
九錢八分九釐共合成本曹平銀一千二百二十五兩
二錢二分皖岸售價每百斤定二兩八錢每票連貼商
餘斤合售銀二千四百九十九兩零除岸扣釐金曹平
銀四百八十七兩六錢九分五釐例繳報効軍需湘平
銀二百二十八兩緝私輪船煤捐曹平銀二十八兩八
錢永清堂曹平銀三兩再除原辦成本約可餘利銀五

百二十餘兩

江運八岸成本

同治五年六月署鹽政李鴻章批江運八岸北鹽成本每引正鹽四百斤涵耗四十斤鹽價連正雜課經費約三兩三錢六分西壩棧價淮北刊章定三兩二錢係至賤之價今照借運北鹽案酌中核議自壩至瓜拋撒涵耗約六分自壩至浦車力約二百文自浦至瓜船價約七百二十文兩項共九百二十文合銀六錢五分七釐自瓜到岸水腳辛工約二兩二錢淮關鹽稅四分一釐七毫內正稅三分七釐火耗補平四釐七毫揚由關稅四

釐四毫南鹽每引六百斤完稅六釐六毫北鹽四百斤
應完此數五河正陽兩卡北釐四千文合銀二兩八錢
二分一釐大勝金柱荻港大通四卡南釐二兩九錢三
分二釐南鹽六百斤完四兩四錢北鹽四百斤應完此
數店用約四錢以上共計每引成本約十二兩五錢六
釐一毫售價每百斤定四兩約有三分外餘利

同治七年六月瓜棧委員程國熙稟議江運北鹽章程北
鹽運南案內場鹽鹽價包索勾損運壩水腳等項每包
需銀三錢四分三釐零在壩改捆發旱車力每包需錢
六十八文五毫委員薪水司事辛工書役飯食等項每

包需銀一分五釐每南鹽一引共計成本曹平銀三兩二錢有奇此次捆運北鹽成本不相上下應由海分司先行籌款墊給其由浦運瓜水腳及進棧擡力添換包索等項應由瓜棧墊發一俟運竣核實報銷除墊發銀兩卽在售價之內照數提出發還歸墊外所有盈餘悉數解赴北征糧臺充餉至捆鹽斤重仍照上屆西壩車運至清江拋撒半斤照淮南庫砵稱每包計重九十一斤半內除水陸拋耗一斤半外實重九十斤委員押運到瓜按包交斤如有短少應責成押運委員賠補

上元江甯食岸成本

同治四年商人何公遠稟認每年運鹽五千三百二十八引每引完課銀七錢二分經費銀一錢八分出江釐金一兩五錢六分八釐大勝關釐金二兩二錢加以鹽價包索捆掣水腳及總棧分店辛工火食並緝私募勇等費以銀合錢共計每引成本約二十三千文岸價每斤四十文每引六百斤合售錢二十四千文餘斤均准貼商

高渚漂水句容食岸成本

同治四年高渚句三岸商人開呈成本

高渚成本

每引錢糧七錢二分經費一錢八分出江釐金一兩五錢六分八釐共銀二兩四錢六分八釐一四合錢三千四百五十五文鹽價九千六百八十文新河壩擡力九十二文江船水腳並神福犒賞二千二百四十文扯算太平府駁費四百文灘派委員辦公經費四百四十二文大勝金柱兩關釐金六千四百文揚店岸店並四處分銷子店辛工火食轉運車船駁費等項二千五百二十文扯算倉租二百七十文上下擡力堆工三百二十文緝費六百文每引共計成本錢二十六千四百十九文岸價每百斤售二兩六錢一四合錢三千六百四十

文正鹽六百斤合售錢二千八百四十文所虧成本勉以滷耗餘斤貼補

漂水成本

每引錢糧釐金鹽價水腳等項均與高滷同惟設店洪籃埠運鹽進城山路約二十里車力不無加增

旬容成本

每引比較高滷減去金柱關釐金三千二百文減去太平府駁費四百文減去江船水腳一千四百四十文另加龍潭提駁二百四十文餘皆不相上下岸價每百斤售二兩二錢一四合錢三千八十文所得正鹽售價不

敷成本亦以滿耗餘斤勉為湊補

謹按高溧句認辦之始釐重費大卽以餘斤貼補究屬無利可圖嗣經核減釐金費用始有起色

儀徵食岸成本

同治四年商人汪恆泰稟請在昇字號內每年撥運一千五百引每引完課銀七錢二分經費銀一錢八分出江釐金一兩五錢六分八釐大勝關釐金二兩二錢加之鹽價水腳棧店辛工火食及緝私募勇等款以銀合錢每引成本約十四千八百文岸價每斤二十六文每引約得十五千六百文餘斤貼商

江浦食岸成本

同治四年商人何公遠吳榮泰合認每年運一千二百引
完繳課釐與儀徵同水腳雜款有增每引成本約錢二
十三千文岸價每斤約四十文合售二十四千文餘斤
貼商

六合食岸成本

同治三年商人吳榮泰認每年運二千六百十七引每引
完繳課釐與儀徵同水腳雜款加增每引成本約錢十
六千文岸價每斤二十八文合售十六千八百文餘斤
貼商

江都甘泉食岸成本

同治三年署運司忠濂詳甘江二岸成本甘江每引六百六十斤見與稅鹽斤重相等所有鹽價每引四千二百文錢糧每引合錢二千二百文包索水腳每引六百文捆掣各費每引四百文總棧分店辛工火食及緝私募勇等款年無定數銷暢則費卽扯輕銷絀則費自加重約計每引扯合一千六百文統共每引成本實需九千文内外在邵伯總棧按斤零銷每斤十五六文不等按包躉售每斤十四五文凡挑販子店轉運至各鄉集鎮分銷另加水陸舟車等用其價不無稍增核計甘江成

本每引扯合九千文內外售價約合十千有零除去成本有千餘文之利

謹按同治六年後成本加重經鹽政曾國藩酌定甘江天長岸價每斤提價不得過二十二文之外跌價不得過二十文之內

高郵寶應食岸成本

同治四年商人王天錫認運一千三百八引每引成本略同江甘扯合九千文內外售價約得十千有零餘斤貼商

謹按同治六年後以成本加增提價每斤售二十文

泰興官運成本

同治五年六月運司程桓生呈泰興縣官運成本摺

泰興每引買價五千二百文納課一千九百九十文包
索捆工水腳過兩壩擡力盤川一千七百八十文薪水
工食局用一千九百二十文以上共成本十一千八百
九十文每引六百斤岸價十二千文

謹按泰興食岸後歸商人認運成本大略相同

天長食岸成本

同治四年商人江長源每年認運七千三百五十六引照
江甘科則加鹽價水腳棧店辛工火食及緝私募勇等

出湖加以運腳釐金不過七兩上下應由運司選派運判一員前赴該兩處往來督銷

〔邳宿桃睢四食岸成本〕

光緒十年九月海分司項晉蕃呈徐屬四岸減輕成本清摺

一岸商買運票鹽每包鹽價銀七錢八分八釐九毫
一楊莊釐金每包二百五十文合銀一錢五分三釐
一捆工日記下河車力每包十一文合銀六釐四毫
一運岸船價雜費擡車等力每包一百八十文合銀一錢一分

一出棧籤席費每包銀一分

一由壩至楊莊駁船每包十文合銀六釐

一局費薪工火食差役房租每包一百二十文合銀七分三釐五毫

一營縣緝私經費每包銀二分五釐

以上各項核計每包成本銀一兩一錢七分二釐八毫按照每兩一千六百三十文計算每斤合錢十九文

謹按行綱鹽時深慮岸價任意漲跌致妨鹺法官爲權子母而定其值以故商鹽成本時時見諸奏牘兵燹後踵行票法鹽政曾國藩核清成本量給餘利設

儀棧以一場價設督銷局以定岸價厥後亦有消長
要未遠越範圍官商於成本一端無事鰓鰓辨白案
牘鮮可稽者茲就所開清摺採錄一二以備大凡其
課釐之加減岸市之興替以及商捐各款或行或止
互見他卷可按籍而稽也

兩淮鹽法志卷一百

兩淮鹽法志

卷一百

徵權門

成本下

七

兩淮鹽法志卷一百一

徵權門

減徵上

兩淮綱法開支雜款有由科則內帶徵者有在科則外別徵者踵事遞增恣意糜費而商人復憑執根窩視爲自有之利取巧居奇盤踞利藪於是商廝商夥之浮開與游客閒民之沾潤耗去十之二三銷數日絀徵數日添商以大困道光間陶澍爲兩江總督始裁鹽政歸總督並縮澍知疏銷必先輕本輕本必先減費乃舉情面仗助幫項濫支議減議停以垂可久之經所謂窮則變

變則通通則久淮鹺轉移之機於是乎攸賴謹將減存銀數分上下二篇詳細臚列以紀一時惠政焉志減徵裁減辦貢辦公外支各款

道光十年十二月

欽差戶部尙書王鼎戶部侍郎寶興兩江總督陶澍會奏兩淮雜費有外支辦貢辦公等項在科則內帶徵爲文武衙門公費並一切善舉辛工役食雜費等用踵事遞增益多糜費除養廉兵餉水腳部飯等項共銀三十三萬餘兩向係作正開銷無可刪減此外如普濟育嬰書院義學等項亦應酌從其舊惟各董事濫廁多名與書樓務

本堂等處歲需銀二十餘萬兩俱係情面攸助並非緊款此時無款可發應概行裁汰其餘各衙門公費及鹽政運司員役書工紙飯並乏商月摺等項每年共需銀八十餘萬兩難免浮冒應分別大加刪減其應實存實領之款亦酌減十分之四五不准商人溢領私增致滋浮濫有累成本再漢口地方乃商船聚售分銷湖南北引鹽之所各商按引捐銀專爲當事衙門公費等用近因該岸商夥恣意浮開濫爲酬應每引捐銀至一兩三錢之多雖不徵於科則而本重價昂以致滯銷細課實爲淮綱之患應大加刪減每引祇准捐銀四錢仍由該

鹽道核數詳明各院立案永遠不准加增以上揚商漢岸各費共刪減銀一百一十餘萬兩科則成本應得稍輕矣

道光十年十二月王鼎寶興陶澍咨兩淮鹽政內開兩淮鹽務浮費過重亟應大加裁減除養廉兵餉部飯水腳等項三十餘萬兩作正開銷此外如辦貢一款往來船費每年祇准照減給發一切京用在內至坐京公用及孫姓幫項全裁其餘官人包劄轅門各役名目均應隨時大加刪減仍由鹽院自行經理儻節省有餘卽行歸公不准商人干預又文武衙門公費如院司酬酢一款

應行全裁祇留巡緝賞號一款仍減去四成餘平歸院以爲辦公之需至督撫等衙門巡緝賞號久未解送均屬虛冒總督巡撫賞號卽可全裁惟總漕有截查蘆私總河有鹽船經過閘壩啟放遲速之責兩處賞號所不能無應減十分之三此外各衙門公費並書役辛工等項分別裁減十分之三乏商月摺應查明三十年以前者全數銷除三十年以內者核刪浮冒與續立之摺准將實在貧乏者酌給十分之五

御書樓一項浮俸全裁每年曬晾裝潢等項仍留八千兩
選文儒照料歲修毋許過百金餘贍歸公至務本堂辛

工公俸等項孝廉堂修膳膏火公車本係濫支戲班尤屬荒唐均應全裁再院司幕友束修本應自出其商友及挂名濫食幫項與領費作坊院司開江開橋犒賞船繹獎賞各紅船幫撈六開以內並芒稻人字等河巡商薪水幫夫工食商領新綱八開儀邑司公俸薪各岸巡商貼費淮北上西遂及各食岸貼費公中賀稟紅船賞號并拜牌五項各費一概全行裁革其商領辦公各項全裁應准存四萬以資辦公一切公用由運司酌發按季支領不得預借濫支各寺香燈雜費減半給發京師會館酌減十分之二普濟育嬰二堂仍留惟冒濫董事

多名應行裁汰醫生查明逐日到堂者酌留六名梅花
安定廣陵樂儀四書院膏火束修均照舊辦理嗣後一
切支放均由運司衙門分別備文解送給發毋許商人
經手致滋浮冒所有減定各項清冊一併移知此外尙
有未經查出者不及列入此次裁減數內應由運司再
行核減

辦貢辦公額領庫平銀七十萬兩今將各項刪減實數
開後

辦貢項下

一路貢綢緞荷包連繳貢裝潢并幫孫姓一款原開二

萬九千二百三十一兩二錢五分應減幫孫姓二萬五千兩准存四千二百三十一兩二錢五分盤川一款原開六千兩今減三千兩准存三千兩一切京用在內官人四百兩包紮四百兩繳貢六百兩銀鏹一兩重五錢重各三千錠連火工裝潢加平五千五百二十七兩轅門巡捕各役并隨時活支一千兩圍費五百兩以上六項隨時酌量刪減共酌存銀一萬五千六百五十八兩二錢五分仍隨時酌量刪減

一端陽貢綢緞香料曹扇等連繳貢裝潢原開七千五百兩二錢五分隨時酌量刪減盤川一款原開六千兩

數雋 或數上

千錠連火工加平六千一百四十兩轅門巡捕各役并隨時活支加平一千五百兩以上五項隨時大加刪減

坐京公用五千兩全裁

共酌存銀二萬三千三百二十九兩三錢

七分五釐仍隨時刪減

一煙盒貢工料盤川連繳貢等項原開三萬八千五百兩起旱貼補等項原開一千五百兩以上二項內有盤川坐京公用二項應查明裁革其餘隨時酌減共暫存銀四萬兩仍另查明裁減

一年貢綢緞等連繳貢裝潢原開一萬二千九百六十二兩二錢五分加紙貢一款原開一千二百兩以上隨

時核明大加刪減盤川一款原開六千兩今減三千兩
准存三千兩一切京用在內官人八百兩包紮八百兩
銀鏤一兩重五錢重各三千錠連裝潢火工加平五千
五百兩轅門巡捕各役并隨時活支一千五百兩以上
四項隨時大加刪減坐京公用五千兩全裁共酌存銀二萬五千
四百九十二兩二錢五分仍查明刪減

一冬筭貢價一千六百七兩火腿貢價二百四十兩盤
川一千五百兩宮門費八十兩官人四百四十兩各役
一百六十兩一春筭貢價一千六百五十七兩盤川一
千五百兩宮門費八十兩官人四百四十兩各役一百

二十兩一皮糖貢價五百七十八兩火腿貢價六百三十兩二錢仍隨時酌減

謹按以上各貢經此次會議酌存銀十三萬二千七十五兩三錢二分五釐嗣經先後行司將路貢內綢緞荷包等項減一千二百三十一兩二錢五分繳貢減銀二百兩轅門各役活支一千兩全裁端陽貢內將繳貢一千三百兩剔出另辦貢品減去一千五百兩二錢五分并官人等費分別裁減嗣據運司於詳送辛卯辦貢冊內聲稱辛卯年辦貢實支銀十萬九千八百二十五兩七分五釐原發冊內酌存銀兩計

續減銀二萬二千二百五十兩二錢五分惟原冊刪
除坐京公用銀一萬五千兩未能全裁仍須酌存銀
一萬兩此外尙有隨貢須用無款另籌是年備辦

陵貢及端陽貢品奉札復有應增應減銀款仍未能以十一年
支用銀數作爲定額應請卽照奉發原冊酌存銀十
三萬二千七十五兩三錢二分五釐之數全數留存
隨時核實支用減賸之項除支每年坐京公用一萬
兩外餘銀作爲隨貢支用之費聽候於解貢時酌量
動支交給解貢人役帶往備用

裁減定案後各年所支辦貢銀數

道光十一年辦貢實用銀十萬九千八百二十五兩七分
五釐減存銀二萬二千二百五十兩三錢五分內支坐
京及冬筭貢備用費共九千兩仍餘銀一萬三千二百
五十兩二錢五分存爲隨貢支用之項又查十一年餘
存銀一萬三千二百五十兩二錢五分嗣於此數內支
出補給端陽煙盒兩貢價銀二千兩並十三年札提交
給端貢差帶京銀一萬兩實仍存銀一千二百五十兩
二錢五分據運司於詳銷十三年辦貢辦公銀數案內
聲明

道光十二年辦貢實用銀十一萬一千六百三十五兩三

錢二分五釐計減存銀二萬一千四百四十兩內支坐
京交貢費銀一萬三千兩仍餘銀八千四百四十兩仍
存爲隨貢支用之項

道光十三年辦貢實用銀十萬八千九百二十九兩三錢
二分四釐計減存銀二萬三千一百四十六兩一釐內
支端陽

萬壽年貢坐京交貢等費一萬二千兩仍餘銀一萬一千一百
四十六兩一釐存爲隨貢支用之項

道光十四年辦貢實用銀十萬一千六百五十八兩三錢
二分四釐計減存銀二萬五千九百十七兩一釐內支

坐京交貢等費一萬四千兩又支備辦

東陵貢品三千十八兩七錢五分仍餘存銀八千八百九十八兩二錢五分一釐存備支用

道光十五年辦貢實用銀十一萬二千五百三十五兩三錢二分五釐計減存銀一萬九千五百四十兩內支端陽

萬壽

陵貢年貢坐京交貢等費並起解楠木貢品坐京費用各項銀一萬五千七百五十兩仍餘銀三千七百九十兩查前項餘存銀兩並辛壬癸甲四年報銷案內其餘贖銀三

萬二千七百五十三兩二錢五分二釐又丙申年

陵貢減存銀二千一百九十兩通共銀三萬八千七百三十三兩二錢五分二釐除支丙申端陽貢坐京費銀四千兩外下賸銀三萬四千七百三十三兩二錢五分二釐因近年各處節被災歉一切貢品價無不增昂沿途盤川亦皆繁費均經由司隨時支發無存

道光十六年辦貢實用銀十萬七千九百三十五兩三錢二分五釐減存銀二萬四千一百四十兩內除

陵貢減存銀二千一百九十兩業於上年二月內湊撥預提端陽大貢坐京交貢費銀外實減存銀二萬一千九百五

十兩內除支用

萬壽貢年貢坐京交貢等費并備帶添換貢物共一萬一千六百兩仍餘銀一萬三百五十兩存爲隨貢支用之項
道光十七年辦貢實用銀八萬八千九百二十九兩八錢八分三釐減存銀四萬三千一百四十五兩四錢四分二釐內除支用路貢端午

萬壽年貢坐京交貢等費并津貼盤川帶備添換貢物等項共銀一萬五千一百二十五兩仍餘銀二萬八千二十四兩四錢四分二釐仍爲隨貢支用之項查本年減存銀數較多係因原有預備秋

陵貢品一分未用是以減存銀數較往年爲多

辦公項下

總督賞費二萬兩全裁巡撫賞費四千兩全裁總漕賞費三千兩減一千兩存二千兩總河賞費三千兩減一千兩存二千兩鹽政賞費八萬四千兩減十分之四銀三萬三千六百兩存五萬四百兩

謹按冊存鹽政緝私賞費銀五萬四百兩十一年六月又札司裁革留庫爲緝獲大夥梟販及查辦糧私等務隨時飭司給發用有餘賸留爲地方公務之用并經咨明戶部嗣於十四年十一月又經札司前項

冊存銀兩除因案提用外計見所餘存足敷一二年之用見當減輕科則之內將來如有仍須應用或卽於外捐經費有餘項內動支亦屬隨時確核加省之道嗣據運司於具詳甲午科則案內聲明將鹽政衙門賞號銀五萬四百兩刪除免徵復於十七年因鹽院賞號無銀動支據司詳明從丁酉綱起仍將科則徵收備用

運司賞費八萬兩減十分之四銀三萬二千兩存四萬八千兩揚州府賞費五千兩又一百六十兩江甘二縣各三千兩儀徵縣二千兩軍廳八百兩參將一千六百

兩二守備各八百兩江都縣丞三百兩以上八款共一萬七千四百六十兩減去二成銀三千四百九十二兩存銀一萬三千九百六十八兩院酬酢費每節二萬兩全裁司酬酢費每月九百兩全裁院匠作引房月支三萬六千兩減十分之五存一萬八千兩

謹按匠作月支冊存一萬八千兩嗣於道光十一年二月四月先後札司裁革不入徵收數內

院司作引房活支銀二萬八千七百七十六兩減十分之五存一萬四千三百八十八兩

謹按活支冊內存銀一萬四千三百八十八兩嗣於

道光十一年二月四月先後札司裁革存庫備公詳
明動支

巡捕薪水外巡勅印丁書役茶房號房軍牢轎馬夫役
香鐙雜用各項人等節賞共四十七款計銀五萬七百
五兩八錢六分減去三成銀一萬五千二百十一兩存
銀三萬五千四百九十四兩八錢六分

謹按四十七款冊存銀兩道光十一年二月札司祇
留巡捕薪水二千四百兩院轅三節香鐙一百二十
兩司轅各役外支飯食一千二百兩其餘四十四款
全裁

解參盤費連隨六千二百兩減去十分之五存銀三千一百兩解皮張盤費二百四十兩減去三成銀七十二兩存銀一百六十八兩眾庫書一千六百兩減去二成銀三百二十兩存銀一千二百八十兩另庫吏清書獎銀一千五百二十兩此係蔣耿二吏各五百兩左清書四百兩陳庫書一百二十兩應隨時擇人獎勵不作定額減去二成銀三百四兩存銀一千二百十六兩

謹按前項內存院耿吏獎勵銀四百兩道光十四年耿吏病故札司停支復於十五年札司於停支四百兩內每年動支銀二百四十兩爲鹽政房隨赴清江

盤費分兩次提解

山長節敬安定四百兩梅花四百兩樂儀三百兩全存
都門經費八千兩隨時加減銀鏹常貢八開貼商辦公
四萬四千餘兩減四千餘兩存四萬兩

謹按前項冊存辦公四萬兩道光十一年運司詳商
延專司筆墨夥友七八人辛俸筆墨紙飯每年需銀
三千六百兩卽於此款內分三節具領又於十二年
五月詳明添友幫辦按年添支銀八百兩分三節請
領又回貢玉玩等件存儲玉庫需人經理酌原留務
本堂二人經管每年各給工食三百兩並雇人夫八

名輪流值宿每名每年各給銀五十兩分三節具領
又於十七年七月按運司詳革商稟有通河前欠墊
應公需銀十萬六千餘兩並據辦事商人公稟情願
於例領辦公項下每年節省銀一萬六百餘兩自丁
酉起分十綱由庫扣繳歸帑並作歸墊

公中賀稟一千二百兩全裁拜牌犒賞二千二百五十
兩全裁領費作坊五千三百九十兩全裁院幕修金三
千兩全裁司幕修金二千九百八十兩全裁商支辛俸
朱姓二千四百兩陳姓二千四百兩張姓一千二百兩
方姓八百兩杜姓二千兩商支紙飯八百兩公俸十二

萬六千六百六十七兩戲班二萬八千兩全裁

謹按辦公項下經此次會議減存銀二十三萬九千一百十四兩之後續經札司將匠作引房月支一萬八千兩全裁又四十七款內裁減銀三萬一千七百七十四兩實該存銀十八萬九千三百四十兩嗣據運司於減定案內詳明辦公冊內有漏未開入江甘典史巡費一百九十二兩應行增入應該徵銀十八萬九千五百三十二兩迨十四年又經札司將鹽政巡費五萬四百兩裁除實該徵銀十三萬九千一百三十二兩嗣於丁酉科則詳內因鹽院緝私賞號歷

綱徵存之銀支盡無銀動用聲明將鹽政巡費五萬
四百兩照舊列徵自丁酉起每綱仍徵銀十八萬九
千五百三十二兩

裁減定案後各年所支辦公銀數

道光十一十二十三年辦公應支銀各十八萬九千五百
三十二兩

道光十四十五十六年辦公應支銀各十三萬九千一百
三十二兩係照酌存原數開報除當年支用外應有餘
存銀兩本年奉札提鹽政房書吏隨同楚西盤川二百
兩又加給銀八十兩遵奉於前項下動支

道光十七年辦公實支銀十八萬九千五百三十二兩

謹按是年報支詳內據司聲明查丁酉楚西吉并江
甘融楚因加攤融引雜款科則較重前經詳准每引
減免五分共少徵銀五萬二千二百六十五兩四錢
五分係於歷綱匠作引房活支款內墊用嗣於戊戌
綱科則案內聲請照數帶補五分應俟徵完足數卽
行歸還原款

會議裁減在外支銷雜款

應解各款

戶部辦茶坍折一千八百十二兩六錢七分四釐戶部

裁扣缺官俸銀二千三百八十六兩一錢二分二釐戶部裁撤武職鹽規一萬五百八十二兩三錢九釐戶部六科等衙門規費一萬三百十兩內務府裁存筆帖式養廉四百八十八兩內閣飯食二百兩內務府飯食一百兩翰林院庶吉士讀書八十兩都察院刑部飯食五千六十兩督院江西鹽規二千四百兩漕院養廉三千三百兩河院養廉二千兩督院坐船經費一千兩鹽院養廉等項一萬六千九百六十五兩

謹按鹽院養廉五千兩於道光十一年經奏明繳還解交戶部作爲節省充公其添給辦貢盤川一萬兩

行司於年貢時隨同貢品齎輶應用又齎本摺騾腳
一千九百六十五兩行司按年解交中軍衙門支發
淮關鹽鈔等銀一萬一千二百六十二兩八錢江甯織
造絲價一萬二千兩江甯將軍八旂官兵菜鹽一千二
百九十八兩三錢四分八釐京口副都統匣費二千四
百二兩一錢六分四釐江藩司沐贛鹽禮一百五十兩
江藩司普育堂經費一千七百三十三兩六錢江藩司
布稅等銀一千二百五十九兩六錢九分江安糧道淮
倉麥折四十五兩河庫道中河工料等銀三千八百三
十三兩四錢四釐江南鹽道上江煮賑經費一千五百

七十三兩四錢以上解款共九萬二千二百四十二兩一錢五分七釐准照舊支解

應支各款

慶賀三節拜牌鐙彩并院司衙門各廟戲供等銀一千三百十三兩六錢八分七釐准支

謹按此項銀兩嗣據運司於減定外支冊內復又刪減止存銀九百八十三兩六錢七分九釐

御書樓各董事俸薪三萬六千八百兩此項浮列名俸概行全裁惟每年曬晾裝潢及潮腦等費及實在經理董事自應酌留銀八千兩嗣後選擇文儒照料收拾束修

毋得過百金有餘仍應歸公

謹按此項銀八千兩嗣據運司詳送減定冊開實支
銀三千五百三十三兩四錢零內董事俸薪等項一
千五百三十三兩四錢四分復設孝廉堂膏火二千
四百兩計續又減銀四千六百六十六兩五錢六分
運司養廉等款六千二百二十七兩准支常鎮淮揚淮
海徐州四道養廉三千五百兩准支揚州府江甯理事
同知山安裏外河廳江甘二縣縣丞主簿典史養廉一
千九百五十六兩七分二釐准支江甯府江防廳上元
江甯縣引費二千一百九十七兩二錢八分九釐准支

南北監掣并三分司養廉五千二百五十四兩准支通
泰海三分司並各場員及四首領俸薪一千三百十六
兩五錢二分准支泰壩官儀准所烏沙河巡檢俸薪并
儀所大使養廉一千八十九兩五錢六分准支督院書
吏廩工等銀四千八百二十九兩一錢二分准支撫院
書吏紙飯一百四十一兩准支漕河院書吏紙飯一百
三十八兩二錢二分四釐准支鹽院書承各役工食等
項三萬九千五百四兩二分六釐此款應由運司逐款
查在四十兩以下者八折四十兩以上者七折

謹按此項嗣分別六七八折及刪除共銀二萬四千

八百九十八兩九分實支銀一萬四千六百五兩九錢三分五釐再查此案係於道光十一年二月札司內開鹽政衙門改歸本部堂管理書役人等浮費工食應加裁減第衙門雖裁辦事如舊且本部堂赴江西安徽閱伍及清江防汛兩地需人辦公勢難多裁除上下兩班書吏十二名本書六名仍舊外其清書酌裁五名仍留三十二名工食飯紙等銀浮濫者刪減其餘承差材官健快舍人看守院署轅門減半酌留分班承值外所有執事人役姑照原缺工食減半八折給發平時仍聽自謀生業祇於本部堂駐節行

署由經廳酌傳伺候此後事故革退無須充補至轎夫打掃夫水火夫全裁賞給一季工食以爲散去後營生資本其成衣剃頭等役各有本業可歸毋庸再賞又札差健快每月以二名來轅當差上號吏二名赴省承值前項減定書承各役工食每年准支銀一萬四千六百五兩九錢三分五釐定案之後於道光十八年據承差公稟准留十人所領七折工食仍係二十人攤勻僅敷辦公不敷贍家等情經批准當復值年飯食二名除原領七折銀兩外每季增給二百十二兩九錢四分二釐行司註冊又據鹽政房書吏

先後具稟奉減六折不敷食用經批准賞復十二吏
書後次所減一成銀七百九十三兩二錢六分四釐
二毫並賞復清書二十九名後次所減工食一成銀
二百二十四兩六錢零先後行司註冊自十七年冬
季起按名添入分季呈解又另賞添奏書二名入卯
每名每年給工食銀三十六兩行司註冊

院承差領解新殘引目並賫投本章公文部費使費騾
腳等銀八千九百五十五兩二錢五分四釐此款七折
減銀二千六百八十六兩五錢七分六釐准支銀六千
二百六十八兩六錢七分八釐

謹按此款嗣經先後札司續減銀二百六十八兩六錢七分八釐實存銀六千兩

院巡捕薪水九百十七兩四錢四分准支

謹按此款嗣經札司全裁

院巡捕折報官折報公費等項一千一百九十四兩四錢八分八釐此款七折減銀二百五十八兩三錢四分六釐准支銀八百三十六兩一錢四分二釐院司開江開所犒賞船緯及給發各役賞號等項一千五百八十三兩六錢六分一釐全裁江藩司書吏紙飯二千九百八十八兩二錢

謹按此款嗣據運司減定冊開實支銀二千八兩二錢減去銀九百八十兩

蘇安臬司書吏紙飯一百六十四兩五錢准支運司吏書各役工飯等項三萬五千四百二兩九錢八釐此款應由運司逐款查明四十兩以下者八折四十兩以上者七折

謹按此款嗣據運司減定冊開減除銀一萬二千八百四十六兩五錢五分六釐實支銀二萬二千五百五十六兩三錢五分二釐

司衙門獎賞各商花紅等項一千二百二十四兩全裁

司衙門內署并日用紙柬三百七十四兩四錢准支江
防廳涵水正耗一百五十八兩四錢准支南北掣并三
分司書役工食四千六百八兩三錢八分三釐減爲八
折准支三千六百八十六兩七錢六釐泰壩儀准所烏
沙河巡檢書役工食五百七十四兩八錢三分二釐減
爲八折准支四首領書役工食九百三十六兩八分八
釐減爲八折准支各場書役紙飯并火伏頭長巡役工
食及產鹽獎賞等項二萬一千八百八兩四錢一分六
釐減爲八折准支一萬七千四百四十六兩七錢三分

二釐

下江鹽法司
卷一百一
謹按此款嗣據運司詳送減定冊開除再刪減外實
支銀一萬五千八百二十五兩八分一釐

永豐壩并南北武家墩南河口委員薪水役食等項一
千八百五十五兩一錢八分四釐減爲八折准支銀一
千四百八十四兩一錢四分七釐溱潼海安委員並儀
徵縣丞子鹽等衙門書役工食二千一百一兩七錢六
分一釐准支

謹按此款嗣據運司詳送減定冊開實支銀一千六
百八十五兩五錢二分計減去銀四百十六兩二錢
三分二釐

海州撥漕鹽規七百兩准支儀徵縣年例等飯食並開江錫池油硃五百五兩三分八釐准支

謹按此款嗣據運司減定冊開實支銀四百八十四兩七錢一分六釐減去銀二十兩三錢二分二釐

經歷司北橋查放商鹽船價等庫大使收課飯銀一百一十一兩八錢四釐准支揚州青山三江等營兵餉並各營汛衙門巡緝薪飯船價等項七萬一千四百四十五兩五錢五分八釐此款准留俟議定緝私章程隨時核實給發有餘存庫充公揚州營守備外委并江甘二縣北捕薪飯火藥四百六十三兩九錢八分四釐准支江

甘二縣育嬰等堂地丁漕米儀徵縣軍器錢糧等七百九十一兩九錢四分七釐准支

謹按此款嗣據運司減定冊開實支銀八百五十八兩七錢五分二釐計增銀六十六兩八錢五釐

江甘二縣獄食七百四十二兩五錢四分准支揚州府學并江甘二縣學賙恤寒生炭資并醫學陰陽學辛資一千一百九十六兩六錢四分九釐准支委員領解核減匣費盤川並解商稅火工耗費一百四十三兩三分四釐准支孝廉安梅廣陵樂儀紫陽郁州胡公等書院掌教修儀薪水并舉人生童膏火優獎助喪花紅役食

等項三萬七千四百六兩八錢六分八釐此款減去孝廉堂約一萬兩准存二萬七千四百六兩八錢六分八釐

謹按此款嗣據運司減定冊開實支銀二萬七千六百四十七兩六錢五分二釐計增銀二百四十兩七錢八分四釐新裁之孝廉堂肄業舉人膏火等項嗣據各舉人赴司稟請復設據運司詳准將孝廉堂舉人改歸安梅書院分赴投考每院另定正課十二名附課二十名月給膏火照諸生之例每年需銀二千四百兩卽於酌留書樓經費內動支

揚州泰州儀徵等處義學塾師修膳經費等銀二千二百五十九兩二錢准支揚州育嬰瓜州普濟等堂經費并董公祠施捨藥料十萬三千五百六十六兩八錢此款將實在本堂辦事各董事辛工酌存銀四萬三千五百六十六兩八錢由運司轉飭該管各首領核實查明給發所有浮列名俸概行全裁有餘歸公

謹按此款嗣據運司減定冊開實支銀四萬八千三百五兩四錢八分一釐計增銀四千六百三十八兩六錢八分一釐

天甯寺廟庵觀香鐙茶湯路鐙茶鹽祭品等項一萬一

千四百四十六兩一錢四分二釐此款內除祭品一千四百四十六兩一錢四分二釐不減外其餘五折減銀五千兩淨存銀六千四百四十六兩一錢四分二釐

謹按此款嗣據運司減定冊開實支銀六千六百七十八兩六錢七分計增銀三百三十二兩五錢二分八釐

各衙門水兵工食等項七千一百三十六兩九錢七分此款七折准支銀四千九百九十五兩八錢七分九釐謹按此款嗣據運司減定冊開實支銀四千七百八十兩一錢四分五釐計續減銀二百十五兩七錢三

分四釐

各江面救生紅船工食懸賞施棺并渡夫工食等項八千五百五十一兩二錢一分一釐此款七折內懸賞一款應裁淨存銀五千七百八十五兩

謹按此款嗣經札司將存數內之院署搭蓋涼篷銀一百九十兩四錢改爲院署歲修支銀一百兩餘銀九十兩四錢裁去見實支銀一千五百八十一兩二錢二分八釐

商裔曬晾

御書樓原給辛工三百三十八兩四錢此款八折准支銀

二百七十兩七錢二分

謹按此款嗣經札司准支銀一百兩計續減銀一百七十兩七錢二分

商領添辦各貢銀鏹一萬五千八百四十四兩六錢八分五釐商領常貢九千三百兩此二款全裁

商領新綱八開辦理公務并貼給總商辦公二萬九百七十九兩七錢九分二釐全裁商領京都會館歲修團拜炭資等項八千九百三十兩此款八折准支銀七千一百四十四兩

謹按此款於道光十一年十二月據司報明照存數

動支交解年貢委弁帶京並於外支雜項內貼給盤
川市平銀一百兩

商膳二千兩裁續立乏商月摺四萬三千九百五十兩
七錢二分又月摺辛工並餘存等項十六萬八千五百
十三兩九錢一分八釐此二款內務本堂辛工全裁惟
乏商月摺應由司查明三十年以前者裁三十年以內
者酌給十分之五混冒及續增者全裁

謹按此款嗣據運司減定冊開辛工餘存兩項全裁
酌留月摺四萬二千兩復於道光十二年十二月詳
留銀四萬二千兩酌議三十年內外各月摺均將原

摺銀數折給四分之一并查明三十年以前銀十三萬一千一百三十兩九錢九分八釐又查三十年以後續增銀二萬八千六百八十兩三錢三分六釐內有辛工香燭商房人役等項銀兩全行裁除外其餘月摺之銀亦照給四分之一

幫貼監生柴本薪水八百八十三兩二錢准支儀徵官店辛資及觀音門懸賞等項三千六百三十二兩一錢九分七釐此款六折准支銀二千一百七十九兩三錢一分七釐儀邑司公商人俸薪薪水九百二兩四錢裁各岸巡商貼費二萬五千二百六十九兩一錢二分四

釐裁淮北上西遂等岸貼費一萬兩揚泰等倉倉役工
食四千一百一兩此款六折准支銀二千四百六十兩
六錢楚西腳頭黃安吉賁遞公文工食六百七十六兩
八錢准支帶完海分司規費等銀一萬七千七十二兩
九錢六分八釐准支

活支各款

趕解京協各餉水腳部飯減半餘平一半充公補平盤
費等項並部餉改傾元錠火耗炭工等項約二十萬兩
候補人員坐日薪水并各處出差盤費二萬五千兩修
理各壩工程及無定活款約十萬作存七萬兩

以上原數一百二十二萬八千五百三十三兩四錢二釐計共減銀二十三萬五千八百八十四兩四分五釐四毫仍存九十九萬二千六百四十九兩三錢五分六釐六毫再吉安口岸同食鹽各岸眾商均有貼費亦由運司查明全裁

謹按辦貢辦公二款經此次會議於裁減案內裁除銀四十五萬一千三百六十四兩零嗣經裁去匠作引房月支一萬八千兩并四十七款內銀三萬一千七百七十四兩計先後共裁減銀五十萬一千一百三十八兩

又按外支雜款經此次會議於裁減案內裁除銀二十三萬五千八百八十四兩四分五釐嗣經督同運司續又裁去銀二十四萬四千六百四十六兩八錢四分二釐計先後共裁去銀四十八萬五百三十兩八錢八分七釐

以上統計辦貢辦公并外支雜款先後共裁除銀九十八萬一千六百六十八兩八錢八分七釐

嗣准每年添支承差飯食銀八百五十一兩七錢七分八釐鹽房書吏飯食銀七百九十三兩二錢六分四釐二毫鹽房清書二十九名飯食二百四十二兩

六錢零賞添奏書二名飯食銀七十二兩

道光十一年正月總督兼鹽政陶澍奏兩淮鹽務改歸兩江總督管理所有鹽政每年額支養廉銀五千兩向在雜款應解項下動支惟查臣本任養廉已極優厚並有例支

恩賞辦公之泰壩永豐壩公費已足敷用是以臣於上年到總督任後即將鹽務向送賞需銀二萬兩全行裁革此時鹽政養廉銀五千兩應行恭繳歸入節省項下解交戶部充用至鹽政衙門浮費較多分別裁減在案茲鹽務改歸總督管理更應大加刪減除緝私賞號不能全

無前經裁減四成外其經書人等有辦稿件之責衙門
雖裁辦事如舊人數未能多裁見將工食亦裁去四成
其餘酬酢巡捕匠作結綵涼篷聯額作坊坐船浴堂橋
旂撲戳掉轎厨夫藥匠鐘表裝潢匠等項全行裁汰此
外執事人役應需辛工紙張飯食有應全裁者有應歸
併者有應酌留者均經細加釐定統計鹽政衙門前後
減裁每歲費用銀十六萬兩有零至外支浮費及運司
衙門濫支各項應飭查明一併刪減

道光十一年八月運司俞德淵詳所有奉部咨詢辛卯綱
應徵正雜及內外帑利等銀是否實能如數徵完實屬

難以逆料至運庫歷年積欠銀兩奏明俟三五年後鹽務稍有起色再行分別攤帶其歸款之期此時亦難懸定又奉查見在革除浮費銀二百六十餘萬兩及新定條款內分別應減應存各款行令造冊送部備查等因并奉飭將原續裁減一併查明報部遵查上年各憲會同酌定條款內原係裁減外支雜費二十餘萬兩辦公節省四十餘萬兩合爲六十餘萬計揚商漢岸各費共刪減銀一百二十餘萬兩又窩價每引酌給一錢二分計減銀八錢八分共減銀一百三十餘萬兩是以合計浮費共銀二百六十餘萬兩之數今查此內岸費窩價

二項係在商人運鹽成本減省之款并非徵庫支銷之項無憑造報其列入科則內徵庫支銷之外支雜費項下上年欽憲會查除原奉裁減二十三萬五千餘兩辦貢辦公項下原裁減四十五萬一千餘兩嗣奉札飭仍有應行續減各款以及原查錯漏重複者均奉按款核實裁減如外支普育等堂書樓務本堂浮設董事多名概行裁減此外尙有各衙門公費鹽政運司轅下書役辛工飯食并乏商月摺及各項均一概分別裁減撙節支放但應隨時隨事根查來源有無浮冒并查察見在情形始能核實裁減準確必於綱竣核定之日方得有

實在減存實數查外支各款例於綱竣之後將所用銀款按冊報部所有外支雜費裁減應存確數應請俟綱竣之後照例造報至辦貢辦公一項見在各貢尙未一律辦齊物價隨時長落未能預爲定數亦須俟辦過一年之後方有準則今就見在核定之數列徵支用較之從前原數節省已多如有餘多留充下綱之用卽如辦公項下向有應解鹽院衙門巡緝賞費一款上年奉各憲會議刪減浮費時因緝捕賞號事所應有不能全刪酌留十分之六裁減四成嗣於裁減鹽院後接奉飭知毋庸歸院僅於商領款內就數酌存改爲院司兩衙門

丁役工食修脯之用其餘各款核實給發不留餘平又
書樓等款亦奉續有刪減均應俟綱竣之後按款查明
確數造報

兩淮鹽法志卷一百一

兩淮鹽法志

卷一百一

徵權門

減徵上